




## БЕЛАРУСЬ РЕСПУБЛИКАСИ ДЕЛЕГАЦИЯСИ АНДИЖОНГА ТАШРИФ БУЮРДИ.



Бугунги кунда Беларусь билан Ўзбекистон ўртасидаги муносабатлар дўстона руҳда давом этиб, икки мамлакат ҳудудлари, хўжалик субъектлари, илм-фан, маданият ва бизнес вакиллари ўртасида ҳамкорлик ўрнатилимокда.





Ўзбек-беларус ҳамкорлиги ва ўзаро муносабатларни янада мустаҳкамлаш учун Андижон вилояти ҳокими Шуҳратбек Абдурахмонов вилоятимизга ташриф буюрган Могилев вилояти губернатор ўринбосари Руслан Страҳар бошчилигидаги делегацияни қабул қилди. Мехмонарнинг ташрифи давомида ўзбек ва беларус тадбиркорлари ўртасида ҳамкорликни кенгайтириш истиқболлари, ўзаро товар айланмасини кўпайтириш ва турли соҳаларда ҳамкорликни янда кенгайтириш бўйича янги инновацион йўналишлари устида изланиш масалалари муҳокама қилинди.

- Могилевликлар помидор, бодринг ва бошқа қишлоқ хўжалиги маҳсулотларини импорт асосида истеъмол қиласидилар. Имкон бўлса, мана шу маҳсулотларни андижонликлар етказиб берсалар -, деган таклифни ўртага ташлади делегация раҳбари

Шунингдек, меҳмонлар зиравор етказиб бериш масаласига ҳам алоҳида тўхтадилар. Беларуслар томонидан ўзбек зираворлари алоҳида эътироф этилди.

**Музокаралар фақат оғзаки келишувлар билан чегараланмасдан шу куннинг ўзида бир қатор инвестицион битимлар имзоланди.**

Куннинг иккинчи ярмида беларуслик тадбиркорлар “Uz Auto Motors” автомобиль заводи, пахтачилик кластерига мослашган “KHANTEХ GROUP” МЧЖ, “Хонобод” санаторияси ҳамда Избоскан туманида барпо этилган мевали мураббо ишлаб чиқаришга мослашган компанияни кўздан кечирдилар.